

# Presencia Artesana

VI Edición . 2024  
del 23 de marzo al 7 d'abril

**Días Europeos de l'Artesanía**





**Esencia Artesana ye un eventu de calter festivu y divulgativu col que l'Asociación Cultural Mercado Ecológico y Artesano quier da-y puxu y averar a la xente a l'Artesanía d'Asturies, convidando a la ciudadanía a celebrar la gran fiesta europea de l'Artesanía.**



# L'Eventu

**Esencia Artesana** configúrase como un **acontecimientu festivu y un puntu d'alcuentru cola artesanía asturiana.**

L'**Asociación Cultural Mercado Ecológico y Artesano** entama un eventu que consolida la so apuesta pola **promoción de l'artesanía asturiana** convidando a la ciudadanía a participar en bien d'**actividaes gratuites** a lo llargo de la xeografía asturiana pa celebrar los **Díes Europeos de l'Artesanía.**

Una **esperiencia única y irrepetible** porque ofrez la oportunidá de conocer y vivir en primer persona los oficios artesanos. Una **esperiencia inmersiva** al traviés de talleres participativos, visites guíes y esposiciones que sorprenden, gusten y creen o refuercen l'**entendimientu y ciñu polos valores intrínsecos a l'artesanía.**


**Esencia Artesana** ye una **mirada al futuru de l'artesanía** al traviés del conocimientu, les persones y los afeutos. Un eventu organizáu por artesanos y artesanes cola fin d'ofrecer al públicu lo meyor de so. **Un alcuentru** que puxa pola cercanía ente persones, la collaboración y el buen facer como una manera honesta de **poner en valir l'artesanía d'Asturies.**

Un proyeutu consolidáu que supo dir **medrando con cada edición**, implicando a un mayor númberu d'entidaes y averando l'artesanía a un gran númberu de persones poniendo especial atención al **mediu rural**. Amás d'apostar por llevar l'artesanía a **espacios singulares del Patrimoniu d'Asturies** y **averar países** convidando a artesanos de Portugal a participar pa intercambiar esperiencias y conocimientos.

**Un alcuentru  
col mundu  
Artesanu d'Asturies  
Una oportunidá  
única pa descubrir  
los sos secretos,  
la so bayura,  
diversidá y  
singularidá**







# Días Europeos de l'Artesanía

Los Días Europeos de l'artesanía (DEA) suponen una mirada diferente a la diversidad de la creación artesana n'España.

L'oxetivu d'estes xornaes ye **averar al públicu los secretos del trabayu de los oficios artesanos**, pa difundir la so enorme bayura y singularidá.

La iniciativa a nivel español promuévela la **Escuela d'Organización Industrial (EOI)**, el so área de promoción de l'artesanía, **Fundesarte**, y **Oficio y Arte**, Organización de los Artesanos d'España.

Demientres **una selmana, actividaes gratuites** van averar a visitantes y xente de toles edaes con gana de deprender a la esfera de la creación artesanal.

Los Días Europeos de l'artesanía tienen el so orixe en **Les Journées Européennes des Métiers d'Art**, qu'organiza en Francia l'**Institut National des Métiers d'Art** (INMA) dende 2002.

España ensiguida se sumó al proyeutu y dambos países son los que presenten un programa d'actividaes más estensu. **Esta fiesta celébrase al mesmu tiempu en distintos países de toa Europa.**

**Demientres  
una selmana  
actividaes gratuites  
avereen al públicu la  
esfera de creación  
artesanal**





DÍAS  
EUROPEOS  
DE LA  
ARTES







# Orixe

**Esencia Artesana** xéstase en **2018** baxo la iniciativa y organización de l' **Asociación Cultural Mercado Ecológico y Artesano**. Un acontecimientu celebráu en Xixón y que duró tres díes con una ufierta d'actividaes bayurosa. El proyeutu representa'l **primer gran eventu celebráu n'Asturies con motivu de los Díes Europeos de l'artesanía**.

En **2019**, Esencia Artesana celébrase demientres **una selmana en Xixón** na que se convidó al públicu a participar con una propuesta nueva d'actividaes con un compromisu fondu cola **divulgación ente'l públicu más mozu**, convidando a participar en talleres especiales a tres centros educativos de la ciudá.

Depués del parón obligáu en 2020 pola pandemia, en **2021** el proyeutu retómase. La celebración, que duró **once díes**, sal per primer vez de **Xixón**, sumando los conceyos d' **Avilés y Colunga**. Nesta edición, el **Mercado Artesano y Ecológico de Xixón** convirtióse en sede pa los primeros talleres.

**2022** supón un saltu cuantitativu y cualitativu. L'eventu espárdese a **12 conceyos asturianos** y demientres 9 díes implícase nel retu d'averar la celebración al **mediu rural**.

En **2023** Esencia Artesana desarróllase en **16 conceyos asturianos**. Amás, increméntase'l númberu d'allugamientos por conceyu hasta un total de 26, cola consiguiente multiplicación del númberu d'actividaes. Nesta edición desarróllense los primeros **"Alcuentros Singulares nel Principáu d'Asturies"** realizando actividaes en 12 allugamientos de Patrimoniu históricu y natural.

**Esencia Artesana  
ye'l primer gran  
eventu celebráu  
n'Asturies con motivu  
de los DEA**



DÍAS  
EUROPEOS  
DE LA  
ARTESANÍA





# Esencia Artesana 2024

**Esencia Artesana** configúrase na so **sesta edición** como un eventu festivu y el puntu d'alcuentru cola artesanía asturiana que tuvo llugar del **23 de marzu al 7 d'abril**.

L'**Asociación Cultural Mercado Ecológico y Artesano** entama un eventu que consolida la so apuesta pola **promoción de l'artesanía asturiana** convidando a la ciudadanía a participar en bien d'**actividaes gratuites** a lo llargo de la xeografía asturiana pa celebrar los **Díes Europeos de l'artesanía**.

L'eventu distínguese pola **diversidá y calidá** d'oficios artesanos qu'amuesa. Cola participación de **40 artesanos** punxo a disposición del públicu **mil places** en dellos **talleres** entamando **alcuentros únicos n'espacios singulares** del Patrimoniu asturianu, contó cola **presencia especial de Portugal** como país convidáu y la estensión del eventu a **20 conceyos** gracias a la collaboración conxunta de **46 entidaes**.

El proyeutu posiciónase como un puntu d'alcuentru imprescindible de los DEA, siendo'l **mayor eventu d'España** y ofreciendo como valores la **fusión de cultures, la creatividá desbordante, la oportunidá de deprendizaxe y de diversión**. Too ello fai d'esti eventu una esperiencia que va más allá de lo común, ofreciendo a cada visitante una vivencia inolvidable y inspiradora.

**Una apuesta  
pola promoción de  
l'artesanía  
asturiana  
convidando a  
la ciudadanía a  
participar al traviés  
d'actividaes  
gratuites.**





DÍAS  
EUROPEOS  
DE LA  
ARTESANÍA



## 40 Artesanos

13 artesanos de l'associación  
y otros 16 non socios  
poniendo talleres

Amás de 11 artesanos  
socios collaborando en  
delles xeres



## Alcuentros singulares

Momentos especiales pa  
descubrir oficios y conocer  
profesionales, en llugares  
eseicionales, emblemáticos  
del patrimoni u asturianu



## Edición MAE

El Mercado Artesano  
y Ecológico de Xixón,  
escenari u pa talleres  
artesanos del programa  
d'actividaes



## 20 conceyos asturianos

Esencia Artesana  
consolídase cola participación  
de los conceyos d'ediciones  
anteriores y la suma  
d'otros nuevos



## Deos pequeños, manes espertes

Actividaes pa reciella,  
mocéda y families



## Tu

Una experiencia  
única y irrepetible que  
t'ofrez la oportunidá de  
conocer y vivir en  
primer persona los  
oficios artesanos

# El mayor eventu de los DEA

L'eventu más grande  
entamáu n'España



**1000 places**  
en talleres gratuitos

de los que  
500 nel mediu rural

Amás d'entraes pa  
exposiciones y visites guiaes



## Portugal, país convidáu

Intercambiu cultural con  
artesanos lusos convidaos  
al eventu



## Difusión

Gracies al sofitu de los  
medios: prensa escrita  
y dixital, radio, televisión,  
webs y redes sociales  
cada detalle y momentu  
compartiése



**46 entidaes**  
collaboren

En cada edición súmense  
entidaes públiques  
y privaes nueves



## Asociación Cultural

L'Asociación Cultural  
Mercado Ecológico y Artesano  
vuélcase nuna celebración  
que promete facer historia



# Presentación del eventuu

Dende'l so orixe'l proyeutu **inaugúrase de manera oficial** entamando un actu de presentación pa dar a conocer Esencia Artesana.

Esta ceremonia ye de vital importancia, yá que nos apurre la **oportunidá de convidar a autoridaes, artesanos y a la ciudadanía** en xeneral. Nun sirve namás como plataforma p'amosar el proyeutu, sinón que tamién permite **afitar vínculos con personalidaes del ámbitu artesanal y cultural**.

Amás, la realización d'una presentación **xenera un gran impactu nos medios de comunicación**, lo que nos da una **difusión y visibilidá** amplies pal eventuu. Gracias a la cobertura mediática, puede llegase a un públicu muncho más ampliu y dar a conocer la guapura y el valor cultural de l'artesanía.

N'Uviéu fízose una presentación, nel **Edificiu Históricu de la Universidá d'Uviéu**, cola que s'inauguró oficialmente l'eventuu acompañáu d'un programa completu d'actividaes.

**En Xixón**, por cuenta de la vinculación dende'l so orixe y la gran implicación d'esta col proyeutu, fízose una segunda presentación na **Casa Conceyu** pa dar a conocer el programa d'actividaes poniendo especial procuru nes que se desarrollen na ciudá.

**La presentación del eventuu xenera un gran impactu, difusión y visibilidá. Amás de permitir afitar vínculos con personalidaes del ámbitu artesanal y cultural.**



# Actividaes

**Esencia Artesana** ye un eventu extraordinariu que destinó **mil places en talleres artesanos** y quinientes d'elles desarrolláronse nel mediu rural. Amás, si nun llega a ser pola participación de **cuarenta artesanos** que punxeron talleres de muncha calidá, el proyeutu nun yera posible. Un gran llogru que promueve l'artesanía y arriquez la comunidá.

Una **esperiencia única y irrepetible** porque ofrez la oportunidá de **conocer y vivir** en primer persona los oficios artesanos. Una **esperiencia de somorguiamientu** al traviés de **talleres participativos, visites guíes y una esposición** que sorprenden, gusten y creen o refuercen l'entendimientu y ciñu polos valores intrínsecos a l'artesanía.

L'eventu configúralu un **programa ampliu d'actividaes gratuites** qu'incluye talleres artesanos de **cueru, Kintsugi, telar, encuadernación o tornería** ente otros munchos, visites guíes a la **Casa del Tiempu** o la esposición "**Muncho más qu'arcilla**" y una esposición de pieces ganadores del **Premiu d'Artesanía de Creación de la Caxa Rural d'Asturies**.

Un proyeutu que viaxa pela xeografía asturiana al traviés de **52 allugamientos** diferentes de **20 conceyos asturianos** p'averar l'artesanía a un mayor númeru de persones.

**Una esperiencia na que somorguiase na artesanía, al traviés d'actividaes gratuites qu'incluyen talleres artesanos, visites guíes y una esposición.**



# Talleres Artesanos

Acebache

Bordáu de reposteros

Caligrafía y lettering

Cerámica caliente y fría

Cestería

Construcción de cases ñeru, hoteles d'insectos,  
comederos de páxaros y casa d'esperteyos

Costura

Creación d'una tetera yising

Creación d'un cuencu chawan

Cueru

Cueroflexa

Elaboración de mázcares

Elaboración de veles

Encuadernación copta, xaponesa y de costura vista

Estampación botánica

Fabricación de terra sigillata

Fabricación de cerámica común romana

Fieltru

Xoyería

Kintsugi

Macramé

Talla de madera

Telar altu llizu

Telar de cintura

Tornería de madera



# Talleres País Convidáu

**Alfarería**

**Téuniques de decoración:**

**Sellu bicolor**

**Pintura manual, contorneáu y rellenu**

**Esgrafiáu sobre esmalte crudo**

**Calca cerámica**

## Esposiciones

**Premios Caxa Rural d'Asturies d'Artesanía de Creación**

**Répliques históriques de relós**

## Visites Guiaes

**Bateríes Altes de Santa Catalina**

**Casa del Tiempu de L'Infiestu**

**Esposición “Muncho más qu'arcilla”**











# País Convidáu

L'Institut National des Métiers d'Art qu'entama en Francia **Les Journées Européennes des Métiers d'Art – JEMA** – orixe de los Díes Europeos de l'Artesanía, **homenaxea tolos años a una rexón francesa y a un país asociáu.**

La edición 2024 de JEMA punxo de relieve la rexón de Auvernia-Ródano-Alpes y a **Portugal.**

**Esencia Artesana**, nesta edición 2024, apurre la so perspeutiva al **homenaxe** fechu a **Portugal convidando a artesanos lusos a participar del programa asturianu** cola collaboración del **Centru de Formación Profesional d'Artesanía y Patrimoniu – CEARTE** – .

La propuesta fecha pola **Asociación Cultural Mercado Ecológico y Artesano**, amás de poner de relieve y difundir l'artesanía de Portugal ye una **oportunidá bárbara p'averar y intercambiar los conocimientos y la cultura** con un país hermanu. Amás de **reforzar la dimensión europea del eventu.**

Una iniciativa pionera qu'abre per primer vez l'apartáu **"País convidáu"** dientro del eventu **Esencia Artesana** cola intención de **siguir allegando**, n'ediciones futures, distintos **países y cultures.**

**Esencia Artesana  
realiza un  
intercambiu cultural  
convidando a  
artesanos lusos  
a participar nel  
so programa  
d'actividaes.**



# Artesanía de Asturias

#HechaConMimo













# Alcuentros Singulares

Na edición de **2023** de los Díes Europeos de l'Artesanía, España foi país convidáu y dientro de la programación avezada incluyéronse los primeros **“Alcuentros Singulares”**, **actividaes especiales** pa descubrir oficios y conocer profesionales, **en sitios esceicionales, emblemáticos del Patrimoniu**, poco o nada abiertos al públicu.

**Esencia Artesana** sumóse a la iniciativa plantegada pola organización de los DEA desarrollando los sos primeros **“Alcuentros Singulares nel Principáu d'Asturies”** iguando un programa d'actividaes ampliu nun total de **12 allugamientos del nuestro Patrimoniu históricu y natural**.

En **2024**, Esencia Artesana sigue cola propuesta incluyendo na so programación el desarrollu d'actividaes en **18 espacios singulares**.

Hai que destacar l'esfuerzu fechu pola **Asociación Cultural Mercado Ecológico y Artesano** nel desarrollu d'alcuentros singulares. Siendo nes dos ediciones l'**impulsor principal**, con muncha diferencia, d'esta iniciativa realizada a **nivel nacional**.

**“Momentos especiales pa descubrir oficios y conocer profesionales, en sitios esceicionales, emblemáticos del Patrimoniu asturianu”**





Los **alcuentros singulares** entamaos con motivu de la sesta edición d' **Esencia Artesana** en **2024** incluyen los espacios:

En Xixón: **Fundación Alvargonzález, Antigua Central Eléctrica d'El Musel, Muséu de la Ciudadela de Celestino Solar, Palaciu de Revillaxixedo, Parador Molino Viejo, Baterías Altes de Santa Catalina, Muséu Casa Natal de Xovellanos, Casa Conceyu de Xixón, Club Natación Santa Olaya.**

N'Uviéu: **Muséu Arqueolóxicu d'Asturies, Muséu de Belles Artes d'Asturies, Archivu Históricu d'Asturies, Xunta Xeneral del Principáu d'Asturies, Edificiu Históricu de la Universidá d'Uviéu.**

En Grau: **Capiella de los Dolores.**

En Cuideiru: **Palaciu Quinta de Selgas.**

En Ribera d'Arriba: **Casa de les Artes y les Ciencies.**


En El Valle Altu de Peñamellera: **Ilesia de San Pedro.**

En Teberga: **Colexata de San Pedro.**

**Principal impulsor de la iniciativa a nivel nacional entamando dos tercios de los alcuentros singulares fechos n'España.**











El tiempo del tiempo de los tiempos está marcado por sucesos  
que, acontecidos a lo largo de la historia, han  
dejado su huella en el mundo. En este espacio se  
trabaja por acercar al público los sucesos que  
han marcado la historia de España. La intención es  
ofrecer al visitante un espacio de trabajo que permita  
la comprensión de los sucesos y su contexto histórico.

En un Programa de actividades se organiza una sesión a lo largo  
de la cual se trabajará el tiempo de los tiempos de la España  
de los siglos. Se organizará una sesión de actividades que  
debe ser organizada desde el punto de vista del visitante. Se debe de ser  
una sesión que permita al visitante comprender los sucesos de la  
historia. Se debe de ser una sesión que permita al visitante  
comprender los sucesos de la historia. Se debe de ser una sesión  
que permita al visitante comprender los sucesos de la historia.

La sesión se realizará a lo largo de la mañana. Se debe de ser una  
sesión que permita al visitante comprender los sucesos de la  
historia. Se debe de ser una sesión que permita al visitante  
comprender los sucesos de la historia. Se debe de ser una sesión  
que permita al visitante comprender los sucesos de la historia.

# EL TIEMPO DEL RA...



# Deos pequeños, manes espertes

Esencia Artesana súmase al lema “**Deos pequeños, manes espertes**”, un mensaxe de los Díes Europeos de l’Artesanía 2024 pa que tolos organizadores d’**actividaes** tengan a les **neñes y neños y al públicu más mozu** en consideración.

**Esencia Artesana** desplegó na so sesta edición un programa d’actividaes ampliu pa sumase al mensaxe llanzáu dende Europa. Recueye y **fai d’ella'l lema** propuestu, **ofreciendo esperiencias únicas y irrepetibles a neñes y neños, adolescentes y families** al traviés de la oportunidá de conocer y vivir en primer persona los oficios artesanos. Una esperiencia pa somorguiase na artesanía al traviés de talleres participativos que sorprenden, gusten y creen o refuercen l’entendimientu y ciñu polos valores intrínsecos a l’artesanía.

**Esperiencies  
artesanes únicas  
y irrepetibles  
empobinaes a neñes  
y neños, families y  
adolescentes.**



Día de las Bibliotecas  
Tejando comunidades



15

ccp





# Edición MAE

Na sesta edición d' **Esencia Artesana**, gracias a la cercanía de la celebración de los Días Europeos de l'Artesanía a la edición de marzu del **Mercáu Artesanu y Ecolóxicu de Xixón**, convirtióse n'escenariu pa dellos talleres.

El **Mercáu Artesanu y Ecolóxicu de Xixón** ye una muestra d'artesanía que se consolidó como un **referente artesanal, gastronómicu y turísticu** del Principáu d'Asturies.

La inclusión del eventu dientro del programa d'actividaes del mercáu conviértelu nuna **esperiencia única y irrepetible** porque ofrez la oportunidá de conocer en primer persona los **oficios artesanos visitando los puestos** del mercáu y **vivilos al traviés del programa d'actividaes** entamaes con motivu de los Días Europeos de l'Artesanía. Amás de les y los participantes, miles de xixoneses y turistes pudieron conocer l'eventu Esencia Artesana y la so vinculación colos Días Europeos de l'Artesanía.

**Una esperiencia pa  
conocer los oficios  
artesanos visitando  
los puestos del  
mercáu y vivilos  
al traviés del  
programa  
d'actividaes.**





Esencia Artesana

VI Edición | 2024  
del 23 marzo al 7 abril  
Días Europeos de la Artesanía





# Entidaes colaboradores

Con cada edición, l'Asociación Cultural Mercado Ecológico y Artesano supo dir creando y sumando esfuerzos al afitar vínculos con distintes entidaes públiques y privaes pa configurar un eventu sólidu que gracias a la colaboración pudo medrar en númeru d'actividaes y esparde se pel territoriu Asturianu.

En 2024 l'eventu desarrollóse en **20 conceyos Asturianos** implicando un total de **46 entidaes colaboradores**.



# DÍAS EUROPEOS DE LA ARTESANÍA

entama



entidaes patrocinadores



entidaes públiques



entidaes privaes



Crear y sumar  
esfuerzos afitando  
vínculos con  
distintes  
entidaes públiques  
y privaes

# Repercusión mediática

L'eventu **Esencia Artesana** captó l'atención de los **medios de prensa escrita y dixital**, amás de la **radio, televisión, webs y redes sociales**, qu'apurrieron una **cobertura estensa y entusiasta**. Dende artículos en periódicos hasta publicaciones en redes sociales, la difusión d'esti event u foi esceicional. Gracias al sofitu d'estos medios, cada detalle y momentu del event u compartióse con audiencias de tou tipu, teniendo **munchu ecu** ente les persones **amantes del arte y l'artesanía**.





DIAS  
EUROPEOS  
DE LA  
ARTESANIA

# Balance DEA España

Tolos años la **Escuela d'Organización Industrial** (EOI), perteneciente al Ministeriu d'Industria, Enerxía y Turismu publica un **balance de los Díes Europeos de l'Artesanía**.

El **resume del 2024** puede consultase na web de la EOI (<https://www.eoi.es/es/noticias/balance-de-los-dias-europeos-de-la-artesania-2024>) y d'él recuéyense los **datos d'interés** que siguen:

**Comunidaes autónomes participantes** 15

<b>Actividaes programaes</b>	<b>España</b>	<b>700</b>
	<b>Andalucía</b>	<b>169</b>
	<b>Asturies</b>	<b>99</b>
	<b>Galicia</b>	<b>78</b>
	<b>Madrid</b>	<b>77</b>
	<b>Castiella y Lleón</b>	<b>68</b>
	<b>C. Valenciana</b>	<b>63</b>

<b>Alcuentros singulares</b>		<b>29</b>
	<b>Asturies</b>	<b>18</b>
	<b>Andalucía</b>	<b>4</b>

<b>Impactos en prensa</b>		<b>190</b>
	<b>Andalucía</b>	<b>47</b>
	<b>Asturies</b>	<b>45</b>
	<b>Madrid</b>	<b>24</b>

N' Asturies 96 actividaes, 18 alcuentros singulares y 45 impactos en prensa correspuenden al eventu Esencia Artesana.

**Esencia Artesana  
ye'l mayor eventu  
entamáu  
n'España  
con motivu  
de los DEA**





*Esencia  
Artesana*

